

Tite Tudunmɔɔ Pɔli ya sɛmɛ wemu tun Tite mu ge

Jagɔ mu we sɛmɛ we d'a tun wɛ?

Tudunmɔɔ Pɔli w'a we sɛmɛ we tun Tite mu. Tite nɛ Yawutu wɛ, Girɛki wu nɛ wii (Galasi Shɛɛn 2:1-3).

Tite nɛ Tudunmɔɔ Pɔli wo kalaapire ni wu kapye-byenii Kile Jozaama pu wo yɛɛ li wo labye wu ni. Pɔli bi Tite tun kari Kile wo Jozaama pu yɛɛ li na Kirɛti fiige ki ni w'a egilizifomɔɔ pu teri (Tite 1:5).

We sɛmɛ we kakana nɔnɔ

Egilizi keree ya yaa na shɔɔnri shɔɔnrigana lemu na ge, Pɔli ya we sɛmɛ we tun Tite mu, na yɛɛ kan wu mu lee shizhaa na.

Sɛmɛ wu kafila nɔnɔ

Tite 1 Tite ya yaa na nahagbaa fɛɛ nizaamaa pu tenɛɛ tenɛgana lemu na egilizii pu ni ge.

Tite 2:1–3:11 Kiricɛɛn wo torogazaana koŋɔ puga funnɔ ni.

Tite 3:12-15 Pɔli ya Tite fɔ waa sanha.

Pɔli fɔ mujuu

¹ Nɛ Pɔli wemu wu nɛ Kile wo kapyebye ni Yesu Kirisa wo tudunmɔ ge, nɛ w'a we sɛmɛ we ka. Kile ya sipyii piimu naha bulo ge, w'a nɛ tun na nɛ wu pee yiri di ba lenɛ n'a daa wu ni, di can wu shɛ pu na na bɛ ni Kile nɛi fyaara ni,

² kɔnhɔ nɛi sicuumɔ nixhɔbaama pu wo tadanɔ di bye pu mu. Kile ya kafineyɛ yu wɛ, wee w'a pee nɛi

sicumɔ pu ɲɔmɛɛ lɔ wɛɛ mu na ta koŋɔ nɔhɔ sanha zhan wɛ.

³ Tuun wemu ɲaha wu bi wii ge, ba wee tuun w'a pa nɔ wɛ, a wu pu shɛ wɛɛ na wu wo jomɔ pu ni. Pee jomɔ pe wo yɛɛ kaa li wa le nɛ keŋɛ ni. Wù Shɔvɔɔ Kilɛ w'a na tun na nɛ w'a pee yu sipyii pu mu.

⁴ Ayiwa, Tite mu mu nɛ we sɛmɛ we tun. N'a daa wemu w'a wù bɛɛri pinne ge, nɛ ja ye pyaa mu ya sii wee n'a daa wu funŋɔ ni.

Wù To Kilɛ ni wù Shɔvɔɔ Yesu Kirisa wu niimɛ ni ɲaɲiŋɛ kan ma mu.*

Kapyɛŋɛɛ kiimu k'a kan Tite mu ge

⁵ Ayiwa Tite, keree kiimu k'a kori shɔɔnri baa Kɛɛti fiige ki ni ge, nɛ mu yaha wà kɔnhɔ m'a kee shɔɔnri. M'a egilizi ɲahagbaa fɛɛ pii shɔɔnri n'a daa fɛɛ pu tɛ ni, m'a pee teŋɛ kulogoo ki bɛɛri ni n'a daa fɛɛ pu ɲuŋɔ ni, m'a li pye ba nɛ yi jo ma mu wɛ!

⁶ Jaagi xuu ya yaa na ta wa shishiin bɛ na pii sipyii pii ni wɛ. P'a yaa na pye cɛɛ nigin nigin cepee. Pu nɔhɔpiire ya yaa na pye n'a daa fɛɛ, ti ganha ba doroo torogaguunɔ na wɛ, t'i da ti na ti sefɛɛ ɲɔmɛhɛɛ conɪ.

⁷ Egilizi ɲahagbaa fɔɔ ya yaa na pye jaagi xuu baa, bani Kilɛ wo kapyɛŋɛɛ w'a byi. Wu ya yaa na pye ɲɔsanga fɔɔ wɛ, wu ya yaa na pye loyiridaan fɔɔ wɛ, wu ya yaa na pye singba, kelee kafugo sipya wɛ, wu ya yaa w'a wari shaa ni naɲmahara ni wɛ.

⁸ Ga w'a yaa wu ta wu na nabuun kemɛɛ, wu bye kasaanɲaa pyevɔɔ, wu bye fungɔngɔ fɔɔ, wu bye

* **1:4** We duba we ɲɛ Kiricɛɛn fò kangana.

sipyawemu w'a tii ge, wu bye fεεfεε Kile naha tãan, wu da jani wuyε na.

⁹ W'a yaa wu nãrã yaha Kile wo Kafila wu na ma na jo ba w'a kalaa wu ni kalaagana lemu na wε, kãnhã wu já w'a sipyii pu kalaa. Wu da pu yeri na bε ni kalaa can can wo wu ni. Piimu p'a nakaara ti pyi ge, wu da pee wo tapiinnε ki shεε pu na.

Na jo ni karamãgã-kafinejuu pu ni

¹⁰ Bani sipyii nijehemεε pu ma diin na juñã baa jomã ye yu, na sipyii piinnε na yu na fo p'a cekãnrã pyi ba Yawutuu pu jε wε.

¹¹ M'a yaa na pii sipyii pii jãyo tã, bani kalaa wemu wu jε wu ya yaa p'a wu kaan wε ge, wee p'a gaan, na kpãnpõñã kii wo n'a daa wu kyεegi lee funñã ni, tifire baa saraa feni.

¹² Pu Kireti shεen ye pyaa wo fungãngã fãã wa ya jo na: «Kireti shεen ya kafineye yu tuun bεeri ni; pu jε ba yacoyo jε wε; saafεε pu jε pii, pu yacerεε di ya jini wε.»

¹³ Pee jomã pe di jε can. Lee wuu na, wa bu katiibaana la pye, li jo wu jii na, m'a yi jo waha, kãnhã pu n'a daa wu bye baraga wo.

¹⁴ Pu ganha bu da daha Yawutuu pu wo giraya jomã pu feni wε. Piimu bε p'a can wu she ge, pu ganha bu daha pee bε wo jãmehεε ki feni wε.

¹⁵ Sipyii piimu zããã pu jε fεεfεε ge, yanmuyã bεeri yi jε pee mu fεεfεε. Ga piimu zããã p'a nãrã, n'a daa di jε pu mu-i ge, yanmuyã bεeri y'a nãrã pee mu. Bani pu fungãnyã ye, ni pu zããã p'a nãrã.

¹⁶ Pu m'a yu na pee ya Kile cε, ga pu kapyegεe di li shεε na kafineye p'a yu. Tãnbensipyii ni n'a she

sipyii pu ꞑe pii, ali pu ya já kiire be pye lemu ꞑe nizaana we.

Naarigana lemu l'a saha ni Kile wo kalaa wu ni ge

2

¹ Ayiwa, mu kunni Tite, yemu y'a sii saha ni kalaa can can wo wu ni ge, ta yee yu.

² Yi jo nõhõee pu mu na pu tẽhẽe yaha puyẽ na keree beeri ni, p'i baraga yaha puyẽ na, p'i bye fungõnyõ fẽe. P'i baraga ta n'a daa, ni taanꞑeege, ni loxulo ni!

³ Yi jo celee pu be mu na pu be pu pu wo naarigana li pye l'i saha ni Kile ꞑidaan ni. Pu ganha bu zõjuuro yaha pu kapyẽee we, pu ganha bu singbaa yaha pu kapyẽee we. Yeriyerijomõ pemu pu ꞑe nizaama ge, p'i da pee kaan,

⁴ kõnhõ pu da li shee cepiire ti na, na pu namaa ni pu nõhõpiire kaa ya yaa na dan pu ni.

⁵ P'i bye fungõnyõ fẽe, p'i já puyẽ na, p'i da pu puga ki kapyẽee ki beeri pyi ni zõsaama ni, p'i da puyẽ tirige pu namaa mu. Kõnhõ wa shishiin ganha bu kafilakuumõ ta di jo wá Kile wo jomõ pu na we.

⁶ M'a pee jomõ pe ninumõ jo levẽe pu be mu na pu fungõnyõ yaha puyẽ na keree beeri ni.

⁷ Muyẽ pyaa k'a yaa na pye naha sheshẽee keree beeri ni, ma kapyegee nizaanãa funhõ ni. Ma da sipyii pu kalaa ni funvige, ni see naha ni.

⁸ Ma da kafila can can wo kaan ma kalaa wu ni, wemu wu ꞑe wa da já wu kaala-ẽ ge, kõnhõ wu pẽen p'i zhiige, pu ganha bu kakuunõ la shishiin ta di jo wu na we.

⁹ M'a yi jo buloo pu be mu na p'a puyε tirige pu kafεε mu keree bεeri ni. P'i da pu jidaan keree pyi, pu ganha ba pu kaala wε.

¹⁰ Pu ganha ba pu kafεε pu yanmuyɔ luu wε, p'i bye jɔmehεε fεε, p'i puyε yaha tadaɲa sipyii tuun bεeri ni, kɔnhɔ sipyii di da baraga tɛri wù Shɔvɔɔ Kilε wu wo kafila wu na.

¹¹ Bani Kilε wo niimε w'a wuyε shε. Wee ni sipyii pu bεeri wo juwuuro t'a fòro.

¹² Wee niimε wu baraga ni Kilε ya wèe kalaa, na yi yu wèe mu na jaarigana lemu li jε Kilε jii fyaara baa ge, ni ke kɔɲɔ ke wo lakuuɲɔ ke, na wèe pu yee jɔ yaha. Na wù da jaari nijaa wo caɲa jii le ni ni fungɔngɔ fεεε ni, ni tifire, ni Kilε jii fyaara.

¹³ Tadaɲa nizaanɲa ke ki wa wù mu ge, wù kee sige yani ki shɛduun wu pa nɔ ge, Yesu Kirisa wemu wu jε wù Kilεgbɔ ni wù Shɔvɔɔ ge, kee caɲa wee wo nɔrɔ wu da ba wuyε shε.

¹⁴ Wee w'a wuyε kan, na xhu wèe wuu na, kɔnhɔ wu wèe shɔ kakuuɲɔɔ tuuyo bεeri na, wu wù pye fεεfεε, wu wù pye wu wo sipyii, kɔnhɔ wù wùye pɔ wù da kasaanɲa pyi tuun bεeri ni.

¹⁵ Ta sipyii pu kalaa mu, ma da pu yeri. Wa bu nahana, m'a weefɔɔ jaagi na be ni Kilε wo fanha ki ni. Wa shishiin ganha bu da ma fanha wε.

N'a daa fεε p'a yaa p'a jaari jaarigana lemu na ge

3

¹ M'a n'a daa fεε pu funɲɔ to na p'a yaa p'a puyε tirige fiige ki jahagbaa fεε, ni ki fanhafεε pu mu; p'i da pu jɔmehεε conɪ. P'i gbegele yaha kapyegeee nizaanɲa bye kaa na tuun bεeri ni.

² Pu ganha ba sipyii zólóo yu wε, pu ganha ba yoyo kóon wε, p'i nyuó penji ni sipyii pu bæeri ni, p'i bye lotangaa fεε.

³ Bani taashiine ni, wèe bε pu bye fungonyó baa fεε, Kile jómεε cobaalaa, ni sipyii piimu p'a wuregi ge. Wèe bi wùye yaha keree bæeri tuuyo wo jidaan kenε ni, ni xónhóro tuugo bæeri, fo na she wèe pye keree bæeri wo buloo. Kuumó ni jεpenwaa funjóni ni wèe bi jaari. Wèe bi sipyii pii kó, a pii bε di wèe kó.

⁴ Ga wù Shóvóo Kile wo saama pe, ni taanjεεge kemu ki jε wu ni na jaha tii sipyii na ge, ba yee ya yiyε she tuun wemu ni wε,

⁵ a Kile di wèe jujón wolo. Ga li wa kanna wèe wo kapyegée k'a tii na lee na w'a lee pye-e dε. Wèe jinjaara t'a jé wu ni, lee na w'a wèe shó. Fεfεεε Munaa l'a wèe wuu, na wèe shó, na wèe pye wèe ya sevónó se, na jii sicuumó nivómó kan wèe mu.

⁶ Kile ya Fεfεεε Munaa li tirige wèe na fo xuuni wù Shóvóo Yesu Kirisa baraga ni,

⁷ kónhó wù já pye sipyitiimεε Kile jaha tãan wuyε pyaa wo niimε wu baraga ni. Jii sicuumó nixhóbaama pemu na w'à daa ge, wù já pa pee bε ta.

⁸ Ayiwa, pee jómó pe ya sii tii fiinjε, na tadanja xó. Nε funjón ki wa m'a da yi yu xuuni m'a wari sipyii pu mu, kónhó piimu p'a dà Kile na ge, pee di la le puyε ni p'i da kapyegée nizaan̄aa pyi. Lee l'a jó, lee ni sipya di wa kuduun taa bε.

⁹ Ga ma ganha da mayε yaha jujón baa nakaara te na wε, ni taashiine li wo sipyii mεyε yi wo nakaara, ni jónjεhεε ni yoyo yemu p'a yirige Kile tudunmóo Musa wo saliya wu keree na ge. Ma

ganha bu mayε le le la shishiin ni wε, bani kuduun wa lee la shishiin ni wε, kaɲɔɔ bε di wa li na wε.

¹⁰ Piimu p'a sipyii pu piinne na pu waagi ge, ma bu wee wa shi yeri na nɔ tɔɔnii shuun na, wu bye w'i ya yee logo wε, laraga kɔn wu na.

¹¹ Bani m'a li cε na jo sipya wu ɲε wii wemu ya foro Kilε koo li ni ge. Jurumu w'a byi wemu na ba Kilε wo kiiri wu nɔ wu na ge.

Pɔli ya yεε lemu kan kurogo ki na sanha ge

¹² Di ba Aritemasi tun ma mu tuun wemu ni kelee Tishiki, m'a fyaala pa na ɲuɲɔ círi Nikopolisi kulo li ni, bani na funɲɔ ki wa di ba she wiire ti tuun wu pye wà.

¹³ Zenasi wemu wu ɲε sipyii tεgeɲɔɔ kiiri na ge, hakili yaha wee ni Apɔlɔsi na, m'a pu tεge ɲaagoo li na, kɔnhɔ yaaga ganha she pu kuɲɔ wε.

¹⁴ Wèe bε wo cebooloo pu ya yaa na pye kaɲɔɔ baa wε. P'a yaa na puyε taanni kasaanɲaa pyegana ni, kɔnhɔ p'i já pii tεge.

¹⁵ Piimu bεeri pu wa naha ni nε ni ge, pu bεeri ya ma shaari. Wù kaa ya dan piimu ni n'a daa wu wo koo ni ge, m'a pee bεeri shaari!

Kilε wu niime kan yi bεeri mu.

KARINĒĒGE NŌMĒE NIVONŌ
New Testament and Shorter Old Testament in
Senoufo, Mamara

copyright © 2014 Wycliffe Bible Translators, Inc.

Language: Mamara S noufo (S noufo, Mamara)

Translation by: Wycliffe Bible Translators

Contributor: Wycliffe Bible Translators, Inc.

  2014-08-10, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-03-17

PDF generated using Haiola and XeLaTeX on 18 Apr 2025 from source files dated 29 Jan 2022

85728ed7-78f8-58e8-8967-0e976c0c2423